

EXPO Hoben y Talentoso a habri na Colegio San Nicolas



Recientemente e Comision di Hoben y Talentoso den presencia di alumnonan di scol, rolemodelnan y director Sr. Goedge-drag a habri e EXPO Hoben y Talentoso na Colegio San Nicolas.

Miembro di e Comision, Sr. Ditto Acosta a hiba palabra splicando e meta tras di expone e EXPO Hoben y Talentoso na nos scolnan

basico y avansa na Aruba. Director Goedge-drag a keda masha contento cu Colegio San Nicolas a wordo scogi como e prome scol pa EXPO Hoben y Talentoso. Manera el a expresa cu ta masha importante pa e alumnonan di scol cera conoci cu e hobenan cu a destaca riba varios tereno y cu a wordo reconoci pa nan talento y meritonan. Aruba conoce hopi hoben cu



ta traha duro pa bay dilanti, cu ta ehempel y inspiracion pa otronan, pa cual motibo nan merece di wordo poni den luz positivo.

Continuacion riba pagina 2





Continuacion di pagina 1

Presente na e bunita mainta aki tabata algun di e rol-modelnan cu ta aparece den e bukinan di Hoben y Talentoso. Nos por a mira e conocido atleta Sarah Quita Offringa kende ta ocho bes campeon di mundo den windsurfing y tambe a caba di estrena su pelicula na Aruba, Cabeibusha. Presente tambe, e artista Cado de Lannoy di Korteweg hunto cu e conocido pintor y fotografo Armando Goedgedrag, atleta Julianne Dorothal y e mod-



elo Stephanie de Andrade, e ultimo dosnan ta alumnonan di Colegio San Nicolas. Cada rolemodel tabatin e oportunidad di conta un poco di nan mes y e pasion cu nan tin pa loke na ta haci. Esaki sigur a hala atencion principalmente di e alumnonan presente den e aula di dicho scol. Na final e alumnonan

tabata entusiasma di saca potret y pidi autografo cerca cada rolemodel presente. Por ultimo Sr. Acosta a haci entrega di 20 buki Hoben y Talentoso 2015 na director Goedgedrag y e alumnonan por a presencia tur e 104 rol-modelnan reconoci durante di e tres añanan di e proyecto Hoben y Talentoso. □